



Amcan Llesiant 10 Amgylchedd Iach a Diogel - Gofalu am yr amgylchedd yn awr ac ar gyfer y dyfodol

Mae gennym heriau Amgylcheddol sylweddol i fynd i'r afael â hwy

- ! Her fawr fydd cyflawni yn erbyn blaenoriaethau datgarboneiddio. Bydd angen i ni gynyddu arbedion carbon y dyfodol yn sylweddol i gyflawni ymrwymiad y Cyngor i fod yn awdurdod lleol Carbon Sero Net erbyn 2030.
- Roedd gan ein Gwasanaeth Cynllunio broblemau perfformiad sylweddol a hirsefydlog; daeth archwiliad allanol â hyn i'r amlwg ac mewn blwyddyn mae'r Cyngor wedi ymyrryd a gwneud cynnydd sylweddol.
- ! Mae ailgylchu cymaint ag y bo modd wedi bod yn anodd yn dilyn tân yn ein prif gyfleuster adfer deunyddiau a chyda llacio'r rheolau yn sgil COVID-19 yn ymwneud â bagiau du. Mae gennym gynllun gweithredu newydd i ymdrin â halogi deunyddiau ailgylchu a strategaeth wastraff newydd a fydd yn ein helpu i gyflawni perfformiad gwell.
- O gymharu â blynyddoedd blaenorol, nid yw 2021/22 wedi gweld cymaint o ddigwyddiadau llifogydd sylweddol a arweiniodd at fod nifer fawr o fusnesau a thrigolion Sir Gaerfyrddin yn dioddef yn sgil llifogydd mewnol.

Pam mae'r Amcan Llesiant hwn yn bwysig

- ⊙ Mae amgylchedd naturiol bioamrywiol yn dda ar gyfer llesiant, gydag ecosystemau iach a gweithredol, sy'n cefnogi cydnerthedd cymdeithasol, economaidd ac ecolegol.
- ⊙ Mae gwasanaeth cynllunio da yn hanfodol er mwyn gwireddu uchelgeisiau'r Cyngor.
- ⊙ Rydym wedi datgan argyfwng hinsawdd fel Cyngor, a ni oedd y cyntaf yng Nghymru i gyhoeddi ein [Llwybr tuag at ddod yn Awdurdod Lleol Carbon Sero Net erbyn 2030](#)



Pa mor dda ydyn ni'n gwneud (a sut ydyn ni'n gwybod)? ⓘ Ffynonellau tystiolaeth

Mesurau Llwyddiant / Egluro'r Canlyniadau



Gwnaethom gynhyrchu 1,059,364 kWh o ynni adnewyddadwy yn ystod 2020/21 (wedi cynyddu o 997,480 kWh yn y flwyddyn flaenorol)



Bu gostyngiad o **9.5% yn Nefnydd Ynni (kWh) y Cyngor** o 70,332,391 kWh yn 2019/20 i 63,684,340 kWh yn 2020/21



Ein cyfradd ailgylchu yw **61.68%** (Mae hyn yn ostyngiad ar ffigur y flwyddyn flaenorol sef 62.20%).

- ⊙ Yn 2020/21, bu gostyngiad o 9.5% yn ein Defnydd Ynni cyffredinol o gymharu â 2019/20, gyda'r pedwar maes yn dangos gostyngiad yn y defnydd o allyriadau defnydd a charbon h.y., Adeiladau annomestig; Goleuadau Stryd; Milltired Fflyd; a Milltired Busnes.
Er bod y gostyngiadau hyn i'w priodoli'n rhannol i effaith COVID-19, mae'n debygol y bydd parhad staff yn gweithio gartref, ynghyd â newidiadau mewn arferion gwaith megis mwy o ddefnydd o gyfleusterau fideo-gynadledda a chyfathrebu ar-lein, yn gweld gostyngiad parhaol mewn allyriadau carbon yn y tymor hwy.
- ⊙ Mae tân yng Nghyfleuster Ailgylchu Deunyddiau Nant-y-caws wedi golygu nad yw cyrraedd y targed o 64% ar gyfer cyfradd ailgylchu'r flwyddyn ariannol 2021/22 wedi bod yn bosibl. Mae hyn o ganlyniad i'r cyfyngiadau a sefyllfa anodd yn y farchnad sy'n wynebu Cwm Environmental a'r Cyngor yn dilyn y tân a pharhau i orfod dibynnu ar gyfleusterau trydydd parti drwy gydol y flwyddyn. Mae hyn yn parhau i fod yn wir wrth fynd i mewn i 2022/23; fodd bynnag, mae gennym gynlluniau penodol ar gyfer gwella swm ac ansawdd yr hyn a gaiff ei ailgylchu wrth symud ymlaen.

Cynnydd ar y camau yr ydym yn eu cymryd i gyflawni'r Amcan Llesiant hwn

Mynd i'r afael â gofynion Deddf yr Amgylchedd (Cymru) 2016

🕒 Datganiad o Argyfwng Natur:

! Mae Llywodraeth Cymru wedi datgan argyfwng natur ac rydym yn sefydlu Panel Ymgynghorol ar Newid yn yr Hinsawdd ac Argyfwng Natur i fynd i'r afael â'r mater hwn. Rydym yn cyflwyno sawl prosiect i sicrhau adferiad natur:

- Mae gennym gynefinoedd rhostir a chors yn Figyn, Mynydd Figyn a Charn Mynydd Ystyfflau.
- Rydym wedi adfer pwll ym Mharc Gwledig Llyn Llech Owain y gellir ei ddefnyddio nawr ar gyfer pilcota mewn pyllau.
- Rydym wedi galluogi'r Ymddiriedolaeth Bywyd Gwyllt i hyfforddi staff a defnyddio twneli olrhain ar gyfer monitro pathewod.
- Wedi prynu offer torri gwair i arbrofi gydag arferion cyfeillgar i bryfed peillio.

 Yn 2020/21, Cafodd 539 o goed eu torri* 62% o goed ynn oedd â chlefyd coed ynn, 30% fel rhan o fesurau atal llifogydd (mae'r coed hyn yn debygol o aildyfu), 8% o rywogaethau eraill a oedd yn fygythiad annerbyniol i bobl ac eiddo	 Yn 2021/22, Cafodd 994 o goed eu torri* 88% o goed ynn oedd â chlefyd coed ynn, 10% fel rhan o fesurau atal llifogydd (mae'r coed hyn yn debygol o aildyfu), 2% o rywogaethau eraill a oedd yn fygythiad annerbyniol i bobl ac eiddo	Rydym wedi plannu 2,167 o goed yn 2021/22 Mae hyn yn golygu ein bod wedi plannu 1,173 yn fwy o goed nag a gafodd eu torri yn 2021/22
Yn 2020/21, Cafodd 170 o goed eu plannu 	Yn 2021/22, Cafodd 2,167 o goed eu plannu 	

*Mae coed yn cael eu torri oherwydd clefyd coed ynn, difrod gan stormydd, am resymau diogelwch, a rhai gofynion datblygu

🕒 Ffosffad mewn Afonydd

! Mae tystiolaeth newydd ynghylch effeithiau niweidiol ffosffadau ar ecosystemau dŵr a rhywogaethau wedi arwain at gyhoeddi targedau newydd gan Gyfoeth Naturiol Cymru (CNC) i leihau lefelau ffosffad afonydd mewn Ardaloedd Cadwraeth Arbennig (ACA) ledled Cymru. Rydym wedi gweithredu sawl ymyrraeth gadarnhaol, a nodir rhai ohonynt isod:

- Datblygu a gweithredu'r Cyfrifydd Maetholion cyntaf a'r unig un yng Nghymru.
- Cyhoeddi [tudalen we ffosffadau](#) sydd wedi'i hefelychu gan awdurdodau eraill.

Cyflawni cynllunio yn unol â Deddf Cynllunio (Cymru) 2015

	Cyhoeddodd Archwilio Cymru'r adroddiad 'Adolygiad o Wasanaethau Cynllunio' ym mis Gorffennaf 2021 a oedd yn cynnwys 17 o argymhellion ac a oedd yn datgan: "Mae angen mynd i'r afael ar frys â materion arwyddocaol a hirsefydlog o ran perfformiad yn y gwasanaeth cynllunio i helpu i wireddu uchelgeisiau'r Cyngor". Gweithredwyd amrywiaeth o ymyriadau i ganolbwyntio ar gyflawni'r argymhellion ac mae newid mewn perfformiad wedi'i gyflawni.
---	---

🕒 Bu gwelliant sylweddol ynghylch penderfynu ar geisiadau cynllunio yn ystod y flwyddyn. Dangosir hyn gan y canlyniadau Diwedd Blwyddyn 2021/22 canlynol:

	2020/21	2021/22	Gwelliant yn ôl
% y ceisiadau y penderfynwyd arnynt mewn pryd (PAM/018)	60.3% (735 o 1,219)	80.8% (1,536 o 1,900)	20.5%
% yr apeliadau cynllunio a gafodd eu gwrthod (PAM/019)	53.8% (7 o 13)	76.5% (13 o 17)	22.7%

Mae cymeradwyo ceisiadau cynllunio mawr yn cael effaith sylweddol ar greu swyddi ac mae'r gwelliannau a wnaed wrth gynllunio yn ystod 2021/22 wedi arwain at greu 539 o swyddi amser llawn a 52 o swyddi rhan-amser (gan gynnwys 300 a leolir gyda'r Sir) o'r 95 cais a gymeradwywyd. (Am ragor o wybodaeth gweler Amcan Llesiant 5 – Creu Mwy o Swyddi a Thwrf).

Awdurdod Lleol Carbon Sero Net erbyn 2030

Cwblhawyd 2 Archwiliad Mewnol ar drefniadau Carbon Sero Net ac roedd eu sgoriau archwilio yn Uchel.

Archwiliad Mewnol	Sgôr	Systemau Da ar Waith	Llywodraethu Da
	Uchel	✓	✓
	Derbyniol		
	Isel		

- Mae ein prosiect Cam 1 Re:Fit Cymru bellach wedi ei gwblhau. Roedd hyn yn cynnwys amrywiol fesurau arbed ynni, gan gynnwys gosodiadau solar ffotofoltäig, yn 29 o'n hadeiladau annomestig gan gynnwys ysgolion. Disgwylir i Gam 1 arbed £315,726 | 675 tCO2e bob blwyddyn.

Wrth weithio tuag at Garbon Sero Net rydym yn ceisio lleihau'r defnydd o ynni ac allyriadau:

❶ Dolen i'r Adroddiad Blynyddol	2019/20	2020/21	2021/22	2020/21 o gymharu â 2021/22 % y newid
Adeiladau Annomestig				
Defnydd (kWh)	66,407,242	59,808,497	Data ddim ar gael	Data ddim ar gael
Allyriadau Carbon (tCO2e)	14,443	12,581	adeg ei gyhoeddi	adeg ei gyhoeddi
Goleuadau Stryd				
Defnydd (kWh)	3,925,149	3,875,843	3,599,124	7%
Allyriadau Carbon (tCO2e)	1,088	981	832	15%
Gostyngiad parhaus yn y defnydd blynyddol o drydan (kWh) yn 2021/22. Mae bron 100% o'r holl oleuadau stryd a reolir gan Cyngor Sir Caerfyrddin bellach wedi'u trosi i LED. Bydd arbedion yn y dyfodol yn gwastatáu nes bod technolegau mwy effeithlon o ynni ar gael a'u gosod.				
Milltired Fflyd				
Milltired (milltiroedd)	5,154,668	4,427,070	4,262,681	3.7%
Diesel a Ddefnyddir (Litrau)	1,419,336	1,267,437	1,320,551	4.2%
Allyriadau Carbon (tCO2e)	3,814	3,407	3,573	4.9%
Er bod cyfanswm y milltiroedd wedi lleihau fymryn, roedd yna gynnydd bach yng nghyfanswm y diesel a ddefnyddiwyd a arweiniodd at allyriadau uwch yn 2021/22 o gymharu â 2020/21. [Sylwer: Mae'r cyfrifiad BEIS yn offeryn amhenodol iawn sy'n tueddu at gyfartaledd cenedlaethol ar gyfer cerbydau fflyd. Gellid mireinio hyn trwy gyfrifo'r allyriadau carbon gwirioneddol ar gyfer pob cerbyd Cyngor Sir Caerfyrddin unigol. Deallaf y bydd Adolygiad Fflyd yn cael ei gwblhau erbyn Medi 2022 - mae'n anochel y bydd hyn yn arwain at gaffael mwy o gerbydau trydan / allyriadau isel iawn (ULEV) a fydd yn lleihau allyriadau carbon yn sylweddol]				
Milltired busnes				
Milltired (milltiroedd)	3,971,513	2,251,986	2,511,091	11.5%
Allyriadau Carbon (tCO2e)	1,132	621	693	11.6%
Roedd yna ostyngiad sylweddol iawn mewn allyriadau yn 2020/21 o gymharu â 2019/20 (-45%). Roedd hyn i'w briodoli'n bennaf i effaith COVID-19 a arweiniodd at lawer mwy o weithio gartref a'r defnydd o TGCh a oedd yn lleihau'r angen am deithio. Er bod cynnydd ymylol wedi bod mewn milltired ac allyriadau carbon cysylltiedig yn 2021/22, nid yw'r allyriadau wedi dychwelyd i'r lefelau cyn COVID-19. [Sylwer: Mae'r cyfrifiad BEIS yn offeryn amhenodol iawn sy'n tueddu at gyfartaledd cenedlaethol ar gyfer cerbydau fflyd. Gellid mireinio hyn trwy gyfrifo'r allyriadau carbon gwirioneddol ar gyfer pob cerbyd unigol].				
Cyfanswm				
Defnydd (kWh)	70,332,391	63,684,340	Data ddim ar gael adeg ei gyhoeddi	
Milltired (milltiroedd)	9,126,181	6,679,056		
Ôl Troed Carbon (tCO2e)	20,477	17,590		

- Yn ogystal â chaffael yr holl drydan o ffynonellau ynni adnewyddadwy, mae'r Cyngor wedi ymdrechu mewn ffyrdd eraill i leihau allyriadau carbon gan gynnwys newid goleuadau stryd i olau LED ynni isel ac uwchraddio ei fflyd i gynnwys ceir trydan a cherbydau sbwriel a graeanu sy'n fwy effeithlon o ran ynni.

	<u>Parodrwydd y Sector Cyhoeddus ar gyfer Sero Carbon Net erbyn 2030:</u> Gorffennaf 2022 Yn yr adroddiad, mae'r Archwilydd Cyffredinol yn gwneud y pum galwad canlynol am weithredu gan gyrrff cyhoeddus: <i>Cryfhau eich arweinyddiaeth a dangos eich cyfrifoldeb ar y cyd trwy gydweithio'n effeithiol;</i> <i>Egluro eich cyfeiriad strategol a chynyddu eich cyflymder gweithredu;</i> <i>Mynd i'r afael â'r cyllid sydd ei angen arnoch;</i> <i>Gwybod beth yw'r bylchau yn eich sgiliau a chynyddu eich capasiti; a</i> <i>Gwella ansawdd data a monitro i gefnogi'ch penderfyniadau</i>
---	--

DS: Mae'r adborth cynnar yn dangos ein bod yn un o'r ychydig awdurdodau yng Nghymru sydd â chynlluniau Net Sero Carbon yn eu lle

Prosiect Zero Sir Gâr 2030: Mae Cyngor Sir Caerfyrddin wedi ymgysylltu â miloedd o blant drwy'r fenter hon - ymdrech benodol i ddod â phobl ynghyd i gefnogi taith y Cyngor tuag at fod yn garbon sero net erbyn 2030. Mae plant ysgolion cynradd ledled y sir wedi cael eu herio i fod yn 'Archarwyr Prosiect Zero', gan rannu eu pwerau a'u syniadau gwych i helpu Sir Gaerfyrddin i fynd i'r afael â newid hinsawdd.



Y Ddeddf Rheoli Llifogydd a Dŵr a'r Cynllun Rheoli Traethlin

Archwilio Mewnol 	Amddiffyn rhag Llifogydd (Mai 2021) Roedd yr adolygiad yn ceisio rhoi sicrwydd fod yr Awdurdod yn rheoli perygl llifogydd yn unol â'r Strategaeth Rheoli Perygl Llifogydd Lleol a'r Cynllun Rheoli Perygl Llifogydd.	Sgôr Sicrwydd: Uchel Derbyniol Isel Camau a gaiff eu holrhain i wella'r sgôr
--	--	--

- O gymharu â blynyddoedd blaenorol, nid yw 2021/22 wedi gweld cymaint o ddigwyddiadau llifogydd sylweddol a arweiniodd at fod nifer fawr o fusnesau a thrigolion Sir Gaerfyrddin yn dioddef yn sgil llifogydd mewnol. Wedi dweud hynny, arweiniodd gaeaf 2021/22 at lifogydd sylweddol mewn mannau ym mis Hydref; a dilynwyd hyn gan Stormydd Arwen a Barra ddiwedd Tachwedd a dechrau Rhagfyr. Nid oes gan y Cyngor gyfrifoldeb am lifogydd prif afonydd, mae hynny yn nwylo Cyfoeth Naturiol Cymru.
 - Mae ein gwaith o reoli digwyddiadau llifogydd wedi datblygu yn 2021 ac rydym yn defnyddio mwy o dechnoleg i gynghori ar berygl llifogydd a blaenoriaethu adnoddau.
 - Yn dilyn y digwyddiadau llifogydd yng Nghydsweli ym mis Hydref 2021, cawsom ymchwiliad ffurfiol ac rydym wedi gwneud cais llwyddiannus am arian grant Llywodraeth Cymru i wneud gwelliannau.
 - Rydym wedi cwrdd ag arweinwyr cymunedol ynghylch y risg bresennol o lifogydd a chynlluniau cyfalaf yn y dyfodol. Rydym yn parhau i weithio ar y cyd â phartneriaid, gan gynnwys Cyfoeth Naturiol Cymru, i ddatblygu ymyriadau i reoli risg llifogydd lle bo hynny'n briodol.
 - Bydd symud o fesurau traddodiadol i amddiffyn rhag y môr i addasu'r arfordir yn allweddol yn y dyfodol. Yn ogystal, cafodd ein holl asedau arfordirol eu harchwilio, a chymerwyd camau i fynd i'r afael â diffygion yn unol â hynny.

- Yn 2021/22, ar ôl datblygu achosion busnes, cawsom £650,000 mewn grantiau refeniw a chyfalaf gan Lywodraeth Cymru. Ar ben hynny, rydym wedi derbyn grantiau ar gyfer datblygu gwaith dichonoldeb ac achosion busnes ar gyfer amryw o weithiau lliniaru llifogydd penodol sydd werth tua £245,000.
- Eleni rydym wedi rheoli rhaglen waith gwerth £2.5 miliwn ar draws 15 o brosiectau lliniaru.

Tuag at Ddyfodol Diwastraff

	Yn ystod y flwyddyn ddiwethaf cynhaliodd Archwilio Cymru adolygiad o'r Gwasanaethau Gwastraff a'r prif ganfyddiad oedd: "Mae'r Cyngor wedi cyrraedd ei dargedau ailgylchu statudol ac yn ddiweddar mae wedi drafftio strategaeth i wneud ei wasanaeth gwastraff yn fwy cynaliadwy, ond nid yw wedi cwblhau'r strategaeth na chael cynllun clir ar gyfer delio â'r nifer fawr o ddigwyddiadau tipio anghyfreithlon yn y sir" Mae cynllun gweithredu i fynd i'r afael yn llawn ag argymhellion yr adroddiad wedi'i weithredu.
---	--

- Rydym wedi cwblhau ein [Strategaeth Wastraff](#). Mae'r strategaeth hon yn nodi'r ystyriaethau a'r mesurau a gynigir i wella'r gwasanaeth gwastraff yn y dyfodol er mwyn ailgylchu 70% o wastraff erbyn 2024/25 a'r targed disgwylidig o 80% erbyn 2030.
- Cafodd ein gwaith ymgynghori ac ymgysylltu ynglŷn â Strategaeth Wastraff y Dyfodol dros 4,000 o ymatebion gan lunio dyluniad ein gwasanaeth yn y dyfodol yn uniongyrchol. Rydym wedi gwrando ar yr adborth hwnnw, ac o'r flwyddyn nesaf byddwn yn casglu cewynnau a gwydr ar wahân fel bod llai o wastraff i'w roi mewn bagiau du.

Ansawdd yr Amgylchedd Lleol

- Rydym ni wedi cyhoeddi [Cynllun Rheoli Ansawdd yr Amgylchedd Lleol 2022-2026](#) sy'n manylu ar gyfeiriad rheolaeth y Cyngor ar sbwriel yn y sir am y 4 blynedd nesaf.
- Rydym wedi ymateb i 5,026 o geisiadau ynglŷn â thipio anghyfreithlon gydag ymateb i glirio'r sbwriel o fewn 2.4 diwrnod ar gyfartaledd. Mae'r gyfradd ymateb hon wedi dychwelyd i'r cyfraddau fel yr oeddent cyn y pandemig.
- Rydym wedi gweithio gyda'n gwirfoddolwyr o gymunedau ledled Sir Gaerfyrddin i fynd i'r afael â materion Ansawdd yr Amgylchedd Lleol. Yn ystod y deuddeg mis diwethaf, mae'r cyngor, grwpiau cymunedol, ysgolion a phartneriaid wedi casglu dros 2,000 o fagiau o sbwriel a gwastraff wedi'i dipio'n anghyfreithlon o bob rhan o'r sir. Cyflawnwyd y canlyniad gwych hwn gyda chymorth bron i 1,400 o wirfoddolwyr sy'n gweithio'n galed i helpu i gadw Sir Gaerfyrddin yn lân, gyda bron i 350 o sesiynau codi sbwriel wedi'u trefnu mewn partneriaeth â ni.



Data Perfformiad Glendid	2020/21	2021/22	Sylw
Mynegai Glendid Priffyrdd Cadw Cymru'n Daclus (STS/005a)	80.7% (740.5/918)	76.8% (903.5/1,176)	! Mae'r mesurau hyn yn unol â'r targed ond <u>maent wedi gostwng oddi ar y flwyddyn flaenorol</u> . Mae nifer yr archwiliadau a gynhaliwyd eleni yn ôl i'r niferoedd cyn COVID ac rydym wedi rhagori ar nifer yr archwiliadau ac ardaloedd o leiniau problemus.
Byddwn yn cynnal lefel uchel o strydoedd yn lân (PAM/010)	98.1% (177/181)	94.1% (369/392) Mae'r canlyniad hwn yn uwch na'r Targed Cenedlaethol o 92%	

SIOP ETO

Agorodd Siop Eto ym mis Chwefror 2022 ac mae ymdeimlad o wefr go iawn yn ei nodweddu. Mae'n boblogaidd ymhlith pobl leol ac ymwelwyr fel ei gilydd ac mae'n drysorfa o nwyddau domestig fforddiadwy o bob math, o offer chwaraeon, lluniau, addurniadau a llawer, llawer mwy. Mae'r rhain i gyd yn eitemau a fyddai fel arall wedi mynd i'r bin. Nawr maent yn cael ail-fywyd ac yn gallu bod o fudd i eraill.



Mae'r prosiect hwn yn ddechrau ar uchelgais hirdymor er mwyn i'r Cyngor sicrhau y gellir ailddefnyddio cymaint o'r eitemau hyn er budd yr amgylchedd a lleihau'r angen i greu rhagor o gynnyrch. Atal y gwastraff rhag mynd i mewn i'r ffrwd wastraff trwy drwsio ac ailddefnyddio yw'r nod cyffredinol fel bod pobl leol yn gallu elwa o'r prosiect.

Ers agor ddiwedd mis Chwefror mae dros 750 o eitemau wedi dod o hyd i gartrefi newydd, mae hyn yn cyfateb i ychydig llai na chwe thunnell o eitemau gwastraff yn cael eu hailddefnyddio yn hytrach na chael eu hanfon i safle tirlenwi. Mae staff y siop yn helpu siopwyr yn barhaus i chwilio am yr hyn sydd ei angen arnynt a nodi eitemau o sydd ddiddordeb iddynt neu yr hoffent eu gweld yn cael eu stocio yn y siop.

Mae gweithio ar y prosiect hwn mewn partneriaeth â CWM Environmental wedi caniatáu dull cydweithredol gyda thrigolion i ddarparu nwyddau y byddant yn elwa o'u prynu. Mae naws gymunedol i'r siop ac ein nod yw cysylltu gyda phobl tref Llanelli a'r Sir er mwyn gwneud i'r prosiect yma ddiwallu eu hanghenion a sicrhau eu bod yn gallu elwa ohono.



Beth a sut gallwn ni wneud yn well

Ein cynllun cyflawni i gyflawni'r amcan hwn

Cyf	Camau Gweithredu a Mesurau	Dyddiad/ Targed	Perchennog/ Swyddog Cyfrifol
A	Mynd i'r afael â gofynion Deddf yr Amgylchedd (Cymru) 2016		
1	Cynghori a llunio ein hymateb i'r datganiad Argyfwng Natur a wnaed gan Lywodraeth Cymru ym mis Mehefin 2021 Cam gweithredu rhif 15665	Mawrth 2023	Rosie Carmichael
2	Mae tair ardal newydd o goetir yn cael eu sefydlu ar gyfer creu cynefin bywyd gwyllt newydd a fydd yn cyfrannu tuag at adfer natur, dal a storio carbon, creu ardaloedd ar gyfer byd natur yn agos at y man lle mae pobl yn byw ac yn gweithio. Cam gweithredu rhif 15711	Mawrth 2023	Rosie Carmichael
3	Parhau i weithio gyda phartneriaid i ateb her niweidiol Ffosffad mewn Afonydd. Cam gweithredu rhif 15681	Mawrth 2023	Ian Llewellyn
B	Cyflawni cynllunio yn unol â Deddf Cynllunio (Cymru) 2015		
1	Gweithredu'r CDLI mabwysiedig a monitro ei lwyddiant neu fel arall yn erbyn ei fesurau cyflawni a nodwyd gan sicrhau y cedwir at bolisiau, gweithdrefnau ac arferion. Cam gweithredu rhif 15674	Mawrth 2023	Ian Llewellyn

Cyf	Camau Gweithredu a Mesurau	Dyddiad/ Targed	Perchennog/ Swyddog Cyfrifol
2	Sicrhau bod penderfyniad ar bob Cais Cynllunio yn cael ei wneud o fewn amserlenni Llywodraeth Cymru y cytunwyd arnynt. Mesur PAM018	Mawrth 2023	Hugh Towns
3	Dysgu'r gwersi o'r adroddiad Cynllunio gan Archwilio Cymru a'r dull ymyrryd llwyddiannus a gymerwyd a'i ddefnyddio fel glasbrint os oes angen yn y dyfodol. Cam gweithredu 15682 (yn ymwneud â'r adroddiad archwilio yn unig)	Mawrth 2023	Rhodri Griffiths
C	Awdurdod Lleol Carbon Sero Net erbyn 2030		
1	Datblygu Eco-Barc rhanbarthol strategol. Cam gweithredu rhif 15662	Mawrth 2023	Dan John
2	Llunio a rheoli'r gwaith o weithredu Cynllun Carbon Sero Net yr Awdurdod i gyflawni ymrwymiad y Cyngor i fod yn awdurdod lleol Cynllun Carbon Sero Net erbyn 2030. Cam gweithredu rhif 15699 + 15705	Mawrth 2023	Kendal Davies
D	Y Ddeddf Rheoli Llifogydd a Dŵr a'r Cynllun Rheoli Traethlin		
1	Rheoli a lliniaru perygl llifogydd o fewn ein cymunedau. Cam gweithredu rhif 15993	Hydref 2024	Ben Kathrens
E	– Tuag at Ddyfodol Diwastraff		
1	Cynnal a gwella ansawdd yr amgylchedd adeiledig a naturiol drwy leihau llygredd sbwriel, gan greu amgylchedd iach a diogel. Cam gweithredu rhif 15689	Medi 2022	Geinor Lewis
2	Gwella'r ffordd yr ydym ni'n rheoli gwastraff yn Sir Gaerfyrddin, gan gynyddu faint o wastraff sy'n cael ei aildddefnyddio, ei ailgylchu neu ei gompostio. Cyflawni yn erbyn strategaeth genedlaethol y tu hwnt i ailgylchu. Mesur PAM030	Mawrth 2024	Dan John



Cliciwch [yma i gael gweld ein hymrwymadau cynnydd manwl a'n targedau](#) o ran yr amcan hwn.